

## PROPOSTAS DO GRUPO PROVINCIAL SOCIALISTA PARA O PLENO DO DEBATE DO ESTADO DA PROVINCIA DE OURENSE (14 novembro 2014)



### 1º. - PLAN DE REACTIVACION EMPRESARIAL.

Dotar orzamentariamente (2.000.000 €) para axudas a pequenas e medianas empresas, así como autónomos de nova implantación na provincia ou que xa estiveran implantadas e que creen postos de traballo.

Redactaranse unhas bases reguladoras nas que como liñas fundamentais se fixarán as seguintes:

- As axudas irán destinadas ó pago da cota empresarial da Seguridade Social.
- Período: 1 ano
- Compromiso das empresas de que unha vez rematado o ano, o 75% dos traballadores obxecto desta subvención pasen a ter a condición de indefinidos. No caso que non se cumpra dito requisito deberán devolver a axuda recibida.

### 2º.- ORZAMENTOS PARTICIPATIVOS.

- Apertura dun prazo de cando menos un mes para que todos os Concellos da provincia poidan realizar as súas propostas ou proxectos en base as súas necesidades.
- Apertura dun prazo dun mes para que toda as asociacións culturais, deportivas, veciñais e de calquera outra índole poidan facer as súas propostas.
- Creación durante a fase de elaboración do orzamento dunha comisión na que estean presentes un representante de cada grupo político na Deputación Provincial e os técnicos da mesma, para velar pola equidade do reparto de fondos.

### 3º.- ELABORACION DUN PLAN DE PROMOCIÓN EMPRESARIAL E COMERCIALIZACIÓN PARA ADEGAS E COLLEITEIROS, ASÍ COMO OUTROS PRODUCTORES INTEGRANTES DAS DISTINTAS DENOMINACION DE ORIXE EXISTENTES DA PROVINCIA.

Dotar unha partida con orzamento suficiente para poder elaborar un plan de promoción empresarial e de comercialización dos produtos da provincia amparados baixo algunha Denominación de Orixe. No caso específico do

sector do viño, fixarase como condición para acceder a dito plan de promoción que as adegas e/ou colleiteiros asinen un contrato homologado para garantir o pago ós agricultores.

#### **4º.- ELABORACIÓN DUN PLAN DE ACTUACIÓN EN ESTRADAS PROVINCIAIS.**

Para que non aconteza o que acontece todos os anos no referente a estradas provinciais, e que só se arranxan con criterio puramente partidista aquelas estradas que por estratexia política lle interesa ó Presidente , e que ademais, en vez de facer un arranxo integral das estradas estratéxicas, en peor estado, ou con maior volume de tráfico, propomos a elaboración dun plan de estradas provinciais cos seguintes compromisos

- a) Fixar dotación orzamentaria.
- b) Fixar criterios de actuación.
- c) Fixar prazos de execución.

Así mesmo, que se cree unha mesa de traballo coa Consellería de Medio Ambiente, Territorio e Infraestruturas e cos Concellos para retomar o antigo plan que tiña a Consellería para transferir e racionalizar a titularidade da rede de estradas ó longo da provincia.

#### **5º.- RECUPERACION DOS SERVICIOS BÁSICOS EN REXIMEN DE CONCESIÓN PARA A SUA XESTION POR PARTE DA DEPUTACION PROVINCIAL E DECLARACION INSTITUCIONAL DE NON PRIVATIZACION DE SERVICIOS BASICOS E ESENCIAIS.**

Con especial atención ó servizo de recollida de lixo e aqueles que teñan que ver co ciclo da auga.

#### **6º.- TRANSPARENCIA NO GASTO PUBLICO.**

Crear na páxina web da Deputación Provincial un espazo denominado INFORMACION ECONÓMICA no que figure o ESTADO DE EXECUCION DO ORZAMENTO (INGRESOS E GASTOS), e en especial que se publiquen os gastos realizados de xeito que figure: proveedor, descripción do gasto e importe da factura aboada.

#### **7º.- REXENERACIÓN DEMOCRÁTICA.**

Fixar os seguintes compromisos:



- a) Que por parte dos/as deputados/as provinciais, para acceder a dita condición, se asine un documento de compromiso de renuncia á acta de Deputado/ae no caso de apertura de xuízo oral motivado por temas de corrupción (prevaricación, cohecho, malversación de caudais públicos, tráfico de influencias....).
- b) Asinar un compromiso, para despexar todo o tipo de dúbidas que hai sobre varios deputados desta corporación, de que non poderá ser Deputado/a Provincial toda aquela persoa que teña traballando nesta institución a calquera familiar con vínculos de consanguinidade ou afinidade de primeiro grao.

## 8º.- PARTIDA ORZAMENTARIA PARA OS CONCELLOS.

Fixar os seguintes compromisos:

- a) Crear unha partida orzamentaria equivalente o 10% do importe do orzamento total correspondente a cada exercicio.
- b) Integrarse dentro de dita cantidade a parte fixada nestes derradeiros anos para o Programa de Cooperación Local.
- c) Fixar unha serie de criterios de reparto onde se contemplen as seguintes variables: poboación, extensión, dispersión e valoración dos servizos públicos que presten.
- d) Comprometer que dita subvención non terá carácter finalista.

## 9º.- PRESTACIÓN DE SERVIZOS CULTURAIS E DEPORTIVOS NOS CONCELLOS DE MENOS DE 20.000 HABITANTES.

A Deputación Provincial de Ourense, foi creando ó longo dos anos unha rede de infraestruturas culturais e deportivas na capitalidade provincial (único Concello no que non debería prestar servizos), inhibíndose e deixando case completamente de lado ós restantes 91 concellos da provincia de Ourense.

Así en Ourense capital préstanse servizos que deberían correr a cargo do Concello ou doutras institución e que teñen un custo de case catro millóns de euros (Teatro Principal, Pavillón Paco Paz e Centro Cultural, Escola de Artes e Oficios), duplicando en moitos casos servizos xa existentes na capitalidade provincial. E mentres isto acontece, o investimento en promoción da cultura e do deporte nos outros 91 concellos e case nula.

Por elo propomos que se inicien vías de diálogo co Concello, Xunta e/ou Fundacións para poder deixar de prestar estes servizos en Ourense capital e investir eses cartos nas vilas e pequenos concellos do rural.



**Grupo Provincial Socialista**  
Rúa Progreso, 32 – 2º andar  
32003 Ourense  
Tlf. 988 385 203 Tlf/Fax. 988 385 178

## **10º.- DEIXAR DE PRESTAR SERVIZOS IMPROPIOS RELACIONADOS COA AGRICULTURA E GANDEIRÍA.**

A Deputación Provincial ten unha rede de granxas espallada por toda a provincia que pouco levan feito pola mellora real deste sector.

Por elo, debería crearse unha comisión na Deputación e abrir vías de diálogo con asociacións do terceiro sector e con implantación na provincia (especialmente asociacións de discapacitados), para poder transferirle a xestión destes servizos a este tipo de colctivos.

